



# SLUŽBENI GLASNIK OPĆINE TEŠANJ

<b>IZDAVAČ:</b> Općinsko vijeće Tešanj <b>UREĐUJE:</b> Stručni odjel Općine Tel. <b>032/650-022</b> Trg Alije Izetbegovića 11, 74260 Tešanj E-mail: <a href="mailto:optesanj@bih.net.ba">optesanj@bih.net.ba</a>	Godina XLVI - <b>Broj 9</b> Ponedjeljak, 04.11.2013. godine <b>T E Š A N J</b>	<b>ŠTAMPA:</b> Općina Tešanj Kompjuterska priprema: Stručni odjel Općine "Službeni glasnik" izlazi po potrebi
--	--	--

Na osnovu člana 11. i člana 14. tačka 30. Statuta Općine Tešanj (Službeni glasnik Općine Tešanj broj: 11/07), Općinsko vijeće na svojoj 12 sjednici održanoj dana 31.10.2013.godine, donosi

## **ODLUKU** **o realizaciji Programa obilježavanja tekovina odbrane 1992-95. godine i drugih datuma od značaja za općinu Tešanj**

### **Član 1**

Ovom odlukom se usvaja Program obilježavanja tekovina odbrane 1992-95.godine i drugim datumima značajnim za općinu Tešanj i utvrđuju mjere za njegovu realizaciju.

### **Član 2**

Općinski načelnik će imenovati odgovorna lica za realizaciju svakog događaja i mjera s ciljem izrade projekta realizacije svih detalja: aktivnosti, sudionika i potrebnih resursa.

### **Član 3**

Općinski načelnik će, na temelju prijedloga projekata iz člana 2. ove odluke, donijeti odluku o realizaciji svakog pojedinačnog događaja i mjere, a najkasnije u periodu od 6 (šest) mjeseci od dana donošenja ove odluke.

### **Član 4**

Općinski načelnik će obavezati organe mjesnih zajednica da na temelju Programa obilježavanja tekovina odbrane 1992-95. godine i drugih datuma od značaja za općinu Tešanj donesu odgovarajući Program obilježavanja tekovina odbrane 1992-95. godine za svaku mjesnu zajednicu.

### **Član 5**

Stepen implementacije svih događaja i mjera predviđenih Programom obilježavanja tekovina odbrane 1992-95. godine i drugih datuma od značaja za općinu Tešanj ovisiće od budžetske podrške tokom svake tekuće godine kao i podrške iz drugih izvora.

### **Član 6**

Općinsko vijeće će razmatrati realizaciju Programa obilježavanja tekovina odbrane 1992-95. godine i drugih datuma od značaja za općinu Tešanj jednom godišnje na temelju informacije koju će predložiti Općinski načelnik.

### **Član 7**

Ova odluka stupa na snagu objavljivanjem u Službenom glasniku Općine Tešanj.

## **OPĆINA TEŠANJ** **OPĆINSKO VIJEĆE**

### **PREDSJEDAVAJUĆI VIJEĆE** **Fuad Šišić, s.r.**

**Broj: 01-49-2-2502-5/13**

**Datum: 01.11.2013.godine**

Na osnovu člana 16. Zakona o zaštiti od požara i vatrogastvu Federacije BiH ("Službene novine FBiH", broj: 64/09), člana 42., 43., 44., 45., i 46. Uredbe o sadržaju i načinu izrade planova zaštite i spašavanja od prirodnih i drugih nesreća i planova zaštite od požara ("Službene novine FBiH", broj: 8/11), i člana 14. Statuta Općine Tešanj ("Službeni glasnik Općine Tešanj", broj 11/07), na prijedlog Općinskog načelnika, Općinsko vijeće Tešanj na svojoj 12. sjednici, održanoj dana 31.10.2013. godine donijelo je

## **ODLUKU** **O DONOŠENJU PLANA ZAŠTITE** **OD POŽARA OPĆINE TEŠANJ**

### **Član 1.**

Ovom Odlukom donosi se Plan zaštite od požara Općine Tešanj (u nastavku teksta: Plan).

**Član 2.**

Plan u skladu sa Uredbom o sadržaju i načinu izrade planova zaštite i spašavanja od prirodnih i drugih nesreća i planova zaštite od požara sadrži:

1. Prikaz postojećeg stanja,
2. Sistem uključivanja profesionalnih i dobrovoljnih vatrogasnih jedinica u akciju gašenja požara,
3. Sistem subordinacije i komandovanja u akcijama gašenja većih požara,
4. Način pozivanja i uključivanja distributera energenata u akciju gašenja požara,
5. Uključivanje komunalnih preduzeća u akciju gašenja požara,
6. Uključivanje službi za pružanje prve medicinske pomoći u akciju gašenja požara,
7. Uključivanje službi ili preduzeća te odgovornih osoba za osiguranje hrane i vode u akciju gašenja požara,
8. Način zamjene vatrogasnih jedinica s novim jedinicama na gašenje požara,
9. Način uključivanja Oružanih snaga u gašenje požara
10. Slučajevi kada se s nastalim požarom upoznaje načelnik općine, predsjedavajući Općinskog vijeća i druge osobe zadužene za zaštitu od požara u tijelima lokalne uprave,
11. Slučajevi kada se u akciju gašenja požara pozivaju, odnosno uključuju vatrogasne jedinice susjednih i drugih općina i gradova,
12. Slučajevi kada se vatrogasne jedinice upućuju kao ispomoć u gašenje požara susjednim i drugim općinama,
13. Načini i slučajevi upotrebe opreme i vozila posebne namjene u gašenje požara ili spašavanju ljudi,
14. Građevine i otvoreni prostori na kojima se može očekivati požar većih razmjera,
15. Nazivi građevina u kojima su sadržane radioaktivne eksplozivne, otrovne i druge opasne tvari,
16. Obaveze vatrogasnih jedinica za sačinjavanje taktičko-operativnih planova gašenja požara i spašavanja ljudi i materijalnih dobara, uz vršenje periodičnog uvježbavanja i provjere efikasnost,
17. Zadaci operativnog centra civilne zaštite općine,
18. Način dojave požara i postupak odgovornih osoba po primljenoj obavijesti o nastanku požara,
19. Sredstva za javno obavještanje građana o nastanku požara i njihova upotrebljivost,
20. Mjere zaštite od požara,
21. Grafički dio plana zaštite od požara,
22. Mjere obezbjeđenja izvršenja Plana i
23. Način izrade, usklađivanja, ažuriranja i čuvanja Plana zaštite od požara.

**Član 3.**

Plan je sastavni dio ove Odluke i nalazit će se u Službi civilne zaštite Općine Tešanj i čini sastavni dio cjelokupnog Plana zaštite i spašavanja Općine Tešanj od prirodnih i drugih nesreća.

Grafički prilozi čine jedinstveni sastavni dio cjelokupnog Plana zaštite i spašavanja Općine Tešanj od prirodnih i drugih nesreća.

**Član 4.**

Nadzor nad provođenjem Plana vršit će Služba civilne zaštite Općine Tešanj.

**Član 5.**

Ova odluka stupa na snagu danom objavljivanja u "Službenom glasniku Općine Tešanj".

**OPĆINA TEŠANJ  
OPĆINSKO VIJEĆE****PREDSJEDAVAJUĆI VIJEĆE  
Fuad Šišić, s.r.**

**Broj: 01-44-3-2724-3/13**

**Datum: 01.11.2013. godine**

Na osnovu člana 14. Statuta Općine Tešanj ("Službeni glasnik Općine Tešanj" broj 11/07), Općinsko vijeće Tešanj na svojoj 12. sjednici održanoj dana 31.10.2013. godine donosi

**ODLUKU  
o stipendiranju redovnih studenata  
dodiplomskog studija (prvog ciklusa)  
u akademskoj 2013/14. godini****Član 1.**

U akademskoj 2013/14 godini Općina Tešanj će stipendirati redovne studente dodiplomskog studija (prvog ciklusa) sa područja općine Tešanj na višim i visokoškolskim ustanovama u Bosni i Hercegovini, koji nemaju drugi oblik stipendiranja ili sufinansiranja (poput jednokratnih materijalnih pomoći u iznosima od 600 KM).

**Član 2.**

Odlukom o stipendiranju redovnih studenata dodiplomskog studija (prvog ciklusa) za akademsku 2013/2014 godinu, stiče se osnov za raspisivanje konkursa, tako da se dodijeli mogući broj studentskih stipendija do iznosa obezbijedenih sredstava.

**Član 3.**

Visina rate iznosi 100,00 KM (stotinu konvertibilnih maraka) po jednom studentu, a isplaćivat će se mjesečno.

**Broj mjesečnih rata zavisit će od raspoloživih sredstava u Budžetu općine Tešanj predviđenih za ove namjene.**

#### Član 4.

Postupak izbora kandidata za stipendiranje, vođenje potrebne evidencije, sklapanje ugovora, kao i druge poslove koji proističu iz ove Odluke, vodit će Komisija za dodjelu stipendija koju imenuje Općinski načelnik. Komisija će biti sastavljena od vijećnika i uposlenika nadležne općinske Službe. Rad Komisije za dodjelu stipendija biti će javan, a konkurs će se objaviti putem sredstava javnog informisanja.

#### Član 5.

Termin objave konkursa i rezultata konkursa bit će prilagođen terminima i rokovima konkursa Ministarstva za boračka pitanja ZDK, zbog iskorištenja mogućnosti stipendiranja studenata iz drugih izvora.

#### Član 6.

Komisija za dodjelu stipendija primjenjivat će Kriterije za dodjelu stipendija, odobrene od strane Općinskog načelnika, koji će bodovanje kandidata vršiti prema sljedećim elementima:

- ostvareni uspjeh
- godina studija
- socijalno-ekonomska situacija
- prednost jednom studentu, kada postoje dva studenta iz iste porodice
- prednost studentima sa invaliditetom
- postignuti rezultati na takmičenjima i posebna priznanja
- bodovi za deficitarna zanimanja
- bodovi za društveni angažman i volonterski rad
- studenti sa istim brojem bodova.

#### Član 7.

Pravo na konkurisanje imaju svi studenti čija primanja po članu domaćinstva nisu viša od **350,00 KM**. Studenti sa prosjekom ocjena 9 i više i učenici generacije iz srednje škole stipendiju dobivaju automatizmom.

Studenti iz kategorije PPBiŠ, studenti čiji su roditelji nosioci najviših ratnih priznanja, studenti iz porodice RVI sa stepenom invalidnosti sa i preko 50% stipendiju dobivaju automatski ukoliko im ukupna primanja po članu domaćinstva nisu viša od **350,00 KM**.

#### Član 8.

Sa svakim studentom koji se stipendira potpisat će se poseban ugovor o međusobnim pravima i obavezama korisnika stipendije i stipenditora.

#### Član 9.

Sredstva potrebna za realizaciju ove Odluke će se planirati u budžetskim rashodima za 2014. godinu u iznosu od **300.000,00 KM (tristotine hiljada konvertibilnih maraka)**.

#### Član 10.

Ova Odluka stupa na snagu danom objavljivanja u „Službenom glasniku Općine Tešanj“.

### OPĆINA TEŠANJ OPĆINSKO VIJEĆE

#### PREDSJEDAVALJUĆI VIJEĆE

Fuad Šišić, s.r.

**Broj: 01-02-1-2713-2/13**

**Datum: 01.11.2013. godine**

Na osnovu Člana 5. Zakona o prometu nepokretnosti (Službeni list SRBiH", broj:38/78 i Službeni list RBiH" broj: 21/92), člana 8. stav 3. alineja 8. i 9. i člana 13. stav 2. alineja 5. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06) i člana 14. Statuta općine Tešanj ("Službeni glasnik Općine Tešanj", broj: 11/07), Općinsko vijeće općine Tešanj, na svojoj 12. sjednici održanoj 31.10.2013.godine donosi

#### ODLUKU

#### o dopuni Odluke o prijenosu prava na nekretninama

#### Član 1.

U Odluci o prijenosu prava na nekretninama broj:01-31-8-84-43/13 od 26.06.2013.g. koja je objavljena u Službenom glasniku općine Tešanj, broj:6/13, u Članu 1., dodaje se **nastavak tabelarnog prikaza parcela kojim se određuje prijenos prava na nekretninama u korist Općine Tešanj, koje su prema podacima novog premjera označene kao :**

rb	Broj katastarske parcele	Naziv	Kultura	Kl asa	Površ ina u m2	Broj pos. lista	Katastarska općina
1	1190/25	Širbegova luka	Nekate gorisani put		1317	256	Raduša
2	443	Gričica	Kuća i zgrada		115	82	Orašje Planje
3	443	Gričica	dvorište		275	82	Orašje Planje
4	868/2	Šibovi	livada	3	43637	1533	Jelah
5	868/5	Šibovi	livada	3	1319	1533	Jelah

6	869	Šibovi	livada	3	12054	1533	Jelah
7	870	Šibovi	livada	3	28688	1533	Jelah
8	244/1	Prodavnica repro mat	Kuća i zgrada		80	56	Tešanjka
9	244/1	Prodavnica repro mat	dvorište		262	56	Tešanjka
10	293/5	Okruglina -put	Prilazni put		79	177	Miljanovci Donji
11	1330/1	Hrastovi	njiva	1	43126	177	Miljanovci Donji
12	1330/2	Hrastovi	njiva	1	895	177	Miljanovci Donji
13	1330/2	Hrastovi	Ostalo neplodn o zemljišt e		7	177	Miljanovci Donji
14	1330/3	Hrastovi	njiva	1	896	177	Miljanovci Donji
15	1330/3	Hrastovi	Ostalo neplodn o zemljišt e		7	177	Miljanovci Donji
16	1345	Brazde	njiva	3	65687	177	Miljanovci Donji
17	1345	Brazde	njiva	2	52172	177	Miljanovci Donji
18	20/3	Pjeskulja	njiva	2	63	109	Mrkotić
19	20/4	Pjeskulja	njiva	2	81	109	Mrkotić
20	20/5	Pjeskulja	njiva	2	560	109	Mrkotić
21	35	Vrisika	pašnjak	2	789	119	Novo Selo
22	379	Polje	Kuća i zgrada		120	123	Karadaglije
23	379	Polje	dvorište		213	123	Karadaglije
24	477	Lučica	šuma	4	4693	72	Džemilić Planje
25	669/1	Stipin Gaj	šuma	3	10871	139	Mekiš
26	737/2 (dio 4/5)	Ljeskovac	šuma	4	10193	151	Rosulje

## Član 2.

U Odluci o prijenosu prava na nekretninama broj:01-31-8-84-43/13 od 26.06.2013. godine koja je objavljena u Službenom glasniku općine Tešanj, broj:6/13, u Članu 2., dodaje se **nastavak tabelarnog prikaza parcela kojim se određuje prijenos prava na nekretninama u korist Općine Tešanj, koje su prema podacima zemljišne knjige označene kao :**

rb	Broj katastarske čestice	Naziv	Kultura	Površina u m <sup>2</sup>	Broj ZK uloška	Katasatarska općina
1	2139/3	Pristupni put	put	1317	3122	Tešanj
2	5940/2	Njiva Šibovi	Njiva	3100	599	Tešanj
3	6004/4	Njiva Jošik	njiva	9085	599	Tešanj
4	6004/10	Livada Šibovi	livada 1.klase	1319	599	Tešanj
5	1705/3	Okruglina	njiva	6520	27	Miljanovci
6	1737	Oranica Okruglina	njiva	1380	27	Miljanovci
7	1738/1	Hrastovi	njiva	1540	27	Miljanovci
8	1739/1	Hrastovi	njiva	5600	27	Miljanovci
	1739/9	Bunar Hrastovi	njiva	903	27	Miljanovci
10	1739/3	Hrastovi	njiva	7806	27	Miljanovci
11	1747/1	Vrtlić	njiva	4650	27	Miljanovci
12	1746/1	Vrtlić	njiva	600	27	Miljanovci
13	1746/2	Vrtlić	njiva	780	27	Miljanovci
14	1571/2	Bara	njiva	2800	27	Miljanovci
15	619/1	Jasik	njiva	5270	119	Piljužići
16	619/2	Jasik	njiva	4640	119	Piljužići
17	618/1	Krivaja	njiva	1240	27	Piljužići
18	618/2	Krivaja	njiva	2200	27	Piljužići
19	620	Jasik	njiva	4320	27	Piljužići
20	621	Jasik	njiva	1845	27	Piljužići
21	1570/2	Bara	njiva	870	27	Miljanovci
22	1572	Kremenjača	njiva	9670	27	Miljanovci
23	1588	Brazda	njiva	5395	27	Miljanovci
24	1589	Brazda	njiva	2415	27	Miljanovci
25	1590	Brazda	njiva	1890	27	Miljanovci
26	1598/3	Čerička	njiva	3050	27	Miljanovci
27	1598/2	Čehička	njiva	3250	27	Miljanovci
28	1597	Kremenjača	njiva	6720	27	Miljanovci
29	1583/1	Brazda	njiva	5650	27	Miljanovci
30	1582/2	Čehička	njiva	4530	27	Miljanovci
31	1577	Kremenjača	njiva	4200	27	Miljanovci
32	1582/1	Čehička	njiva	4620	743	Miljanovci
33	1585	Kremenjača	njiva	2420	27	Miljanovci
34	1586	Kremenjača	njiva	2630	743	Miljanovci
35	1575/1	Kremenjača	njiva	1510	27	Miljanovci
36	1576	Kremenjača	njiva	1290	27	Miljanovci
37	520/1	Pjeskulja	njiva	836	48	Kalošević
38	520/11	Pjeskulja	njiva	81	48	Kalošević
39	520/12	Pjeskulja	njiva	63	48	Kalošević

40	270/3	Kobiljak	šuma	1100	12	Ljetinić
41	6435/9 7	Danište	šuma	7600	1045	Tešanj
42	193/1	Gradilište	gradilište	420	1	Oraš Planje
43	27/6	Kuća sa dvorištem	Kuća i dvorište	600	118	Žabljak
44	280/1	Gaj u Selištu	šuma	3200	119	Džemilić Planje

**Član 3.**

Općina Tešanj stiče pravo korištenja i posjeda na nekretninama navedenim u Članu 1. i Članu 2. ove Odluke nakon upisa prava koji se prema ovoj Odluci prenose na općinu Tešanj.

**Član 4.**

Prenos prava na nekretninama iz Člana 1. i Člana 2. ove Odluke na općinu Tešanj vrši se bez naknade.

**Član 5.**

Zemljišno knjižni ured Općinskog suda u Tešnju i katastarski ured Općine Tešanj, brisat će ranije upise na predmetnim nekretninama a naprijed navedene nekretnine iz Člana 1. i Člana 2. upisat će sa obimom i vrstom stvarnog prava koji su imali raniji nosioci prava, u korist:

**OPĆINA TEŠANJ sa dijelom.....1/1.**

**Član 6.**

Ova Odluka stupa na snagu danom objavljivanja u Službenom glasniku Općine Tešanj.

**OPĆINA TEŠANJ  
OPĆINSKO VIJEĆE**

**PREDSJEDAVALJUĆI VIJEĆE  
Fuad Šišić, s.r.**

**Broj: 01-31-8-84-43/13**

**Datum: 01.11.2013.godine**

Na osnovu člana 6., 16. i 44. Zakona o građevinskom zemljištu ("Službene novine F BiH"; broj: 67/05), člana 3. i 6. Odluke o građevinskom zemljištu ("Službeni glasnik Općine Tešanj", broj: 1/11), Zaključka, broj: 01-31-1-934-2/05 od 29.04.2005.g. („Službeni glasnik Općine Tešanj“, broj: 4/05) i člana 14. Statuta općine Tešanj ("Službeni glasnik Općine Tešanj", broj: 11/07) Općinsko vijeće Općine Tešanj, na redovnoj sjednici održanoj dana 31.10.2013. g., donijelo je

**RJEŠENJE**

**1. ČOLIĆ (Mehmedalija) NERMINU iz Kosove, Maglaj, DODJELJUJE SE** na korištenje,

neizgrađeno gradsko građevinsko zemljište državne svojine označeno kao: - k.č.br. 318/58 zv. "Njiva Krndija" njiva površine 415m<sup>2</sup> upisano u zemljišno knjižni uložak, broj: 111 za K.O.Tešanj (preuzet iz z.k.ul.br. 81 k.o. ista) čiji je vlasnik Državna svojina sa dijelom 1/1 korisnik Općina Tešanj sa dijelom 1/1 (n.p. k.p.br. 323/4 zv. "Krndija" površine 415m<sup>2</sup> upisano u PL br. 1821 za K.O. Tešanj I korisnik Čolić (Mehmedalija) Nermin iz Kosove, Maglaj sa dijelom 1/1).

**2.** Za dodijeljeno zemljište iz tačke 1. ovog rješenja na račun budžeta Općine Tešanj uplaćena je naknada u iznosu od 13.500,00 KM koja cijena je postignuta javnim nadmetanjem.

**3.** Zemljišno-knjižni ured Općinskog suda Tešanj će nakon pravosnažnosti ovog rješenja izvršiti uknjižbu prava korištenja na zemljištu iz tačke 1. dispozitiva ovog rješenja u korist:

**- ČOLIĆ (Mehmedalija) NERMIN, Kosova, Maglaj sa..... 1/1 dijela.**

**4.** Ovo rješenje ima se objaviti u "Službenom glasniku Općine Tešanj."

**Obrazloženje**

Putem općinskog organa nadležnog za imovinsko-pravne poslove, Općinskom vijeću Općine Tešanj, obratio se Čolić (Mehmedalije) Nermin iz Kosove, Maglaj, sa zahtjevom u kojem je istaknuto da se radi o općinskom zemljištu, da je u katastru parcela oznake k.p.br. 323/4 zv. "Krndija" površine 415m<sup>2</sup> upisana na podnosioca zahtjeva, da se nije upisao u zemljišnim knjigama kao korisnik zemljišta na parceli oznake k.č.br. 318/58 za K.O.Tešanj, to traži da organ na isti način provede postupak, kao i za druge susjede koji su kupili zemljište od općine, kako bi se mogao upisati kao korisnik nekretnina u zemljišnim knjigama.

Rješenjem Općinskog vijeća Općine Tešanj, broj: 01-477-18/98 od 02.06.1998.g., za predmetno zemljište odobrena je prodaja putem javnog nadmetanja, na osnovu kojeg je općinski načelnik raspisao Oglas, te je uz primjenu odredaba Pravilnika o postupku javnog nadmetanja za prodaju nepokretnosti u državnoj svojini koji je tada bio na snazi, proveden postupak javnog nadmetanja.

Na osnovu uvida u PL br. 1821 za K.O.Tešanj I ustanovljeno je da je na k.p.br. 323/4 zv. "Krndija" površine 415m<sup>2</sup> korisnik Čolić (Mehmedalije) Nermin iz Kosove, Maglaj sa dijelom 1/1, da je na osnovu uvida u z. k.ul.br. 111 za K.O. Tešanj ustanovljeno da je k.č.br. 318/58 zv. "Njiva Krndija" njiva površine 415m<sup>2</sup> upisano kao vlasništvo državna svojina sa dijelom 1/1 sa pravom korištenja Općina Tešanj sa dijelom 1/1.

U ranijoj proceduri pribavljeno je stručno mišljenje urbanizma na osnovu kojeg je ustanovljeno da je na predmetnim parcelama koje se nalaze na lokalitetu zv. "Krndija" koje su obuhvaćene Odlukom o izmjenama i dopunama Odluke o usvajanju i sprovođenju Urbanističkog plana Tešnja ("Službeni glasnik Općine Tešanj", broj: 4/98) predviđena izgradnja slobodno stojećih objekata stambene i stambeno-poslovne namjene, da je za predmetni lokalitet urađen Plan parcelacije koji sadrži precizno određene građevinske parcele sa jasno utvrđenim uslovima gradnje objekata za svaku parcelu, da prema sadašnjoj Odluci o građevinskom zemljištu („Službeni glasnik Općine Tešanj“, broj: 1/11) predmetna parcela ima status gradskog građevinskog zemljišta u skladu sa članom 33. Odluke o građevinskom zemljištu.

Općinsko Vijeće je na svojoj sedmoj sjednici održanoj, 2005.g., prilikom razmatranja zahtjeva preduzeća DOO "Dukat" Jelah upoznato sa slučajevima ove vrste, pa je u cilju njihovog saniranja donijelo Zaključak, broj: 01-31-1-934-2/05 od 29.04.2005.g. („Službeni glasnik Općine Tešanj“, broj: 4/05) kojim je zadužilo Općinskog Načelnika da po istom modelu riješi sve istovjetne slučajeve, a odnosi se na situacije kada je proveden postupak prenosa prava na nekretninama, ali stranke nisu bile u mogućnosti upisati se u zemljišnim knjigama jer isprava ( rješenje/ugovor) nije bila podobna za upis.

Na osnovu naprijed izloženog, utvrđeno je da se u konkretnom slučaju radi o gradskom građevinskom zemljištu državne svojine, za koje je u skladu sa Zakonom o građevinskom zemljištu („Službeni list SRBIH“, broj: 34/86) i Pravilnikom o postupku javnog nadmetanja za prodaju nepokretnosti u društvenoj svojini („Službeni list SRBIH“, broj: 34/86) koji su tada bili na snazi izvršena prodaja k.p.br.323/4 za K.O.Tešanj I, da je prema ranijem i prema važećem Zakonu o građevinskom zemljištu ("Službene novine FBiH", broj:67/05) isključivo Općinsko Vijeće ovlašteno da može dodjeljivati zemljište državne svojine, te kako je u naprijed navedenom slučaju proveden postupak javnog nadmetanja, da je uplaćena naknada za predmetno zemljište, da nakon toga postupak nije do kraja okončan donošenjem isprave podobne za upis stečenog prava na predmetnoj nekretnini, to je Općinsko vijeće razmotrilo ponuđeni prijedlog, pa je u smislu odredba člana 44. Zakona o građevinskom zemljištu ("Službene novine FBiH", broj:67/05) i člana 3. i 6. Odluke o građevinskom zemljištu ("Službeni glasnik Općine Tešanj", broj: 1/11) i odlučilo kao u dispozitivu ovog rješenja.

Ovo rješenje je konačno u upravnom postupku i protiv njega se ne može izjaviti žalba, ali se može pokrenuti upravni spor podnošenjem tužbe kod Kantonalnog suda u Zenici u roku od 30 dana od dana prijema ovog rješenja. Žalba se podnosi neposredno sudu.

Ovo rješenje ima se objaviti u "Službenom glasniku Općine Tešanj."

## OPĆINA TEŠANJ OPĆINSKO VIJEĆE

PREDSJEDAVALJUĆI VIJEĆE  
Fuad Šišić, s.r.

Broj: 01-31-1-2700-2/13

Datum: 01.11.2013.godine

Na osnovu člana 61. Zakona o građevinskom zemljištu ("Službene novine FBiH", broj: 25/03, 16/04 i 67/05), člana 200. Zakona o upravnom postupku („Službene novine FBiH“, broj:2/98 i 48/99) i člana 14.Statuta Općine Tešanj ("Službeni glasnik Općine Tešanj", broj: 11/07), a po zahtjevu Muharemović (Muharem) Rame iz Tešnja, radi utvrđivanja prava vlasništva na zemljištu državne svojine, Općinsko vijeće Općine Tešanj, na svojoj redovnoj sjednici održanoj, dana, 31.10.2013.godine, donosi

### R J E Š E N J E

**I. UKIDA se status javnog dobra** na zemljištu označenom kao k.č.broj:2835/2 zv.„Bagalin put”ostalo neplodno zemljište površine 31 m2, upisana u zemljišno knjižni uložak broj:639 K.O.Tešanj vlasništvo Javno dobro-put sa 1/1 dijela, n.p.k.p.broj:1544/2 zv."Bagalin put” ostalo neplodno zemljište površine 31 m2 upisana u PL 267 za K.O.Tešanj I korisnik DR.SV.Javno dobro vode i putevi Tešanj sa dijelom 1/1.

**II. Na građevinskom zemljištu označenom kao:**

k.č.broj:2835/2 zv. "Bagalin put” ostalo neplodno površine 31 m2 upisana u zemljišno knjižni uložak broj:639 K.O. Tešanj vlasništvo Javno dobro sa dijelom 1/1, kojoj prema podacima novog premjera odgovara parcela označena kao:

k.p.broj:1544/2 zv."Bagalin put” ostalo neplodno zemljište površine 31 m2 upisano u PL 267 K.O.Tešanj I korisnik DR.SV.Javno dobro vode i putevi Tešanj sa dijelom 1/1,

utvrđuje se pravo vlasništva na navedenom zemljištu u korist graditelja Muharemović (Muharem) Ramo iz Tešnja.

**III. Muharemović (Muharem) Ramo iz Tešnja** je obavezan platiti naknadu u skladu sa Zakonom o građevinskom zemljištu i Odlukom o građevinskom zemljištu za nekretninu iz tačke II. dispozitiva ovog rješenja, u iznosu od 310,00 KM i to u roku od 8 dana računajući od dana pravosnažnosti ovog rješenja na račun budžeta Općine Tešanj kod Vakufske banke d.d. Sarajevo, broj:1603000330017641 šifra općina 090, vrsta prihoda 722431 i naknadu u iznosu od 290,00KM

na ime cijepanja parcele i identifikovanja parcela na licu mjesta, usklađenja parcele u skladu sa Privremenom odlukom o naknadama za vršenje usluga („Službene novine FBiH“, broj.69/05) i Tarifnim brojem 2.2.1.,4.1.2. i 1.3.1., vrsta prihoda 722516, a dokaz o izmirenoj obavezi dužan je dostaviti općinskom organu uprave nadležnom za imovinsko pravne poslove Općine Tešanj.

**IV. Nakon pravosnažnosti ovog rješenja i dostave dokaza o izvršenoj uplati iznosa navedenog u tački III. dispozitiva ovog rješenja, te ovjere ovog rješenja u poreznoj upravi, na zahtjev stranke Odjeljenje za geodetske poslove i katastar, Općine Tešanj će izvršiti brisanje ranijeg upisa na zemljištu navedenom u tački II. dispozitiva ovog rješenja i izvršiti upis prava korištenja, dok će Zemljišno knjižni ured Općinskog suda u Tešnju izvršiti brisanje ranijeg upisa na zemljištu navedenom u tački II. dispozitiva ovog rješenja i nakon toga izvršiti uknjižbu prava vlasništva u korist: Muharemović (Muharem) Ramo iz Tešanj sa dijelom ..... 1/1.**

V. Ovo rješenje ima se objaviti u "Službenom glasniku Općine Tešanj."

#### Obrazloženje

Kod Službe za katastar, urbanizam i imovinsko-pravne poslove, Općine Tešanj, zaprimljen je zahtjev od strane Muharemović (Muharem) Rame iz Tešnj, radi otkupa dijela zemljišta državne svojine jer dio njegovog izgrađenog objekta na parceli označenoj kao k.č.broj:1457 K.O. Tešanj I pada na dio parcele koja je državno, a navedeni zahtjev podnosi iz razloga da za izgrađeni objekat može dobiti svu potrebnu dokumentaciju odnosno da bi isti objekat mogao legalizovati, te da je nakon toga na licu mjesta održana usmena rasprava u prisustvu pozvanih stranaka, stručnih lica geodetske i urbanističke struke.

U cilju rješavanja naprijed navedenog zahtjeva, na licu mjesta održana je usmena raspava, te je Članom 61.Zakona o građevinskom zemljištu (Sl.novine FBiH broj:67/05) propisano da se na građevinskom zemljištu u državnoj svojini na kojem je izgrađena zgrada bez prava korištenja zemljišta radi građenja za koju se može naknadno izdati odobrenje za građenje po odredbama Zakona o prostornom uređenju, općinsko Vijeće će utvrditi prava vlasništva u korist graditelja, odnosno njegovog pravnog sljednika, uz obavezu plaćanja naknade za dodijeljeno građevinsko zemljište na korišćenje i uređenje građevinskog zemljišta.

U toku postupka provedena su dokazna sredstva i to:usmena rasprava na licu mjesta dana, 13.05.2013.g.,dana, 22.07.2013.g., usmena rasprava u prostorijama ovog organa dana, 25.07.2013.g., i dana, 23.09.2013.g., uvid u PL 267 i 680 K.O.Tešanj I, z.k.ul.br. 3420 i zk uložak 639 K.O. Tešanj, pribavljeno mišljenje stručnog lica urbanističke struke i općinskog

pravobranilaštva, te je izvršeno cijepanje predmetne parcele i usklađenje parcele prema podacima zemljišne knjige.

Na osnovu izjave stručnog lica geodetske struke date u provedenom postupku ustanovljeno je nakon izvršenog geodetskog snimanja predmetne parcele tj.pokazane međne linije prema lokalnom putu i nakon kartiranja i obrade podataka na katastarskim planovima iz 1981.g. i uvidom u stari katastarski operat utvrđeno je da prema planovima novog premjera pokazana međna linija od strane podnosioca zahtjeva zauzima dio parcele 1544 K.O. Tešanj posjed DR SV javno dobro vode i putevi 1/1 u površini od 31 m<sup>2</sup> a prema priloženoj skici snimanja R=1:250 pokazana međna linija pokazana i ista se pruža paralelno u pravcu lokalnog puta dužine 32,60 metra, navedena međna linija prema premjeru Tešanj-Grad iz 1968.g. također zauzima predmetnu parcelu dr sv javno dobro vode i putevi u površini 31m<sup>2</sup>, odnosno međna linija je po avio premjeru je identična premjeru Tešanj-Grad, katastarska parcela 1457 novog premjera odgovara parceli 2836/2 K.O. Tešanj upisana u zk uložak 3420 zv."Ošljak" kuća i dvorište površine 960 m<sup>2</sup> vlasništvo Muharemović Muharema Ramo sa dijelom 1/1 a k.p. broj:1544 odgovara parceli 2835 K.O. Tešanj upisana u zk uložak 639 zv."Put u Ošljak" put površine 1490 m<sup>2</sup> vlasništvo Javno dobro put, odnosno postojeći objekat je izgrađen dijelom na parceli 1544 u površini od 5 m<sup>2</sup>.

Na osnovu izjave stručnog lica urbanističke struke, utvrđeno je da se lokalitet na kojem je izgrađen objekat nalazi u obuhvatu prostornog plana općine Tešanj („Službeni glasnik općine Tešanj“,broj:7a/09), unutar urbanog područja općine Tešanj a istim planom je u članu 12. definisano da se briše planirana saobraćajnica na Ošljaku, te unutar obuhvata Urbanističkog plana Tešanj ("Službeni glasnik općine Tešanj" broj:6/88) prema kojim se navedeni lokalitet nalazi u zoni namijenjenog za izgradnju objekata individualnog stanovanja.

U postupku je pribavljeno mišljenje nadležnog lica za izgradnju u putnom pojasu, koje je na zapisnik istaklo da je objekat prodično stambene zgrade podnosioca zahtjeva lociran na raskrsnici ulice Ošljak i nekategorisanog puta, da je uvidom u skicu snimanja osnova objekta udaljena od puta 1,10 do 1,50 metara, da su prema Pravilniku o uslovima uređenja prosotra za izgradnju i rekonstrukciju objekata i instalacija na javnoj cesti ili unutar cestovnog i zaštitnog pojasa javne i nerazvrstane ceste objavljen u Službenom glasniku općine Tešanj utvrđeni uslovi izgradnje i rekonstrukcije objekata u postupku izdavanja odobrenja za građenje ili urbanističke saglasnosti, a kako je objekat podnosioca zhatjeva već izgrađen, on može biti predmet legalizacije i za isti se mogu primjenjivati propisi koji uređuju tu oblast, odnosno Odluka o posebnim uslovima rješavanja statusa izgrađenih objekata ("Službeni glasnik, općine Tešanj, broj:7/11 i 2/12).

Na zapisnik je općinsko pravobrnilaštvo istaklo da se ne protivi podnesenom zahtjevu uz ispunjenje uvjeta općinske odluke i pravilnika, te je saglasno sa procjenjenom vrijednosti predmetne nekretnine utvrđene od strane Komisije za procjenu nekretnina.

Na osnovu člana 4. i člana 33. stav 1. alineja 4. Odluke o građevinskom zemljištu ("Službeni glasnik Općine Tešanj", broj:1/11), ustanovljeno je da se predmetno zemljište nalazi u obuhvatu Prostornog plana Općine Tešanj, te da ima status građevinskog zemljišta, te se na isto primjenjuju odredbe Zakona o građevinskom zemljištu.

Kako je u toku postupka ustanovljeno da je dio objekta vlasništvo podnosioca zahtjeva izgrađen na zemljištu državne svojine, odnosno na građevinskom zemljištu na kojem podnosilac zahtjeva nema pravo korištenja, da su u predmetu postupka pribavljena stručna mišljenja kao i da se u predmetu postupka izjasnilo općinsko pravobrnilaštvo, to je Općinsko vijeće ustanovilo da su ispunjeni uslovi iz člana 61. Zakona o građevinskom zemljištu ("Službene novine FBiH", broj:67/05) i odlučilo kao u dispozitivu ovog rješenja.

**Iznos naknade koje treba uplatiti podnosilac zahtjeva određen je u iznosu od 310,00 KM, u skladu sa Zakonom o građevinskom zemljištu i Odlukom o građevinskom zemljištu ("Službeni glasnik općine Tešanj", broj:1/11) i odnosi se na naknadu iz osnova prirodne pogodnosti, a istu je potrebno platiti na način određen kao u tački III. dispozitiva ovog rješenja.**

**Komisija za procjenu vrijednosti nekretnina u prometu je izvršila procjenu nekretnine označene kao k.p.broj:1544 K.O.Tešanj I po cijeni od 10 KM/m<sup>2</sup>, što je utvrđeno na osnovu Zapisnika Komisije za procjenu vrijednosti nekretnina u prometu od 06.08.2013.godine.**

U skladu sa članom 115.stav 1. Zakona o upravnom postupku („Službene novine FBiH“, broj:2/98 i 48/99) određeni su troškovi postupka, na način kao u tački III.I. dispozitiva ovog rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Zenici u roku od 30 dana od dana dostavljanja rješenja.

**Ovo rješenje ima se objaviti u "Službenom glasniku Općine Tešanj."**

**OPĆINA TEŠANJ  
OPĆINSKO VIJEĆE**

**PREDSJEDAVAJUĆI VIJEĆE**

**Fuad Šišić, s.r.**

**Broj: 01-31-1-561-22/13**

**Datum: 01.11.2013.godine**

Općinsko vijeće Tešanj je na svojoj 12. sjednici održanoj dana 31.10.2013. godine, razmatrajući Nacrt budžeta Općine Tešanj za 2014. godinu donijelo sljedeći

**ZAKLJUČAK**

**Prihvata se Nacrt budžeta Općine Tešanj za 2014. godinu, te se sa iznesenim prijedlozima i sugestijama upućuje na javnu raspravu u trajanju od 30 dana.**

**OPĆINA TEŠANJ  
OPĆINSKO VIJEĆE**

**PREDSJEDAVAJUĆI VIJEĆE**

**Fuad Šišić, s.r.**

**Broj: 01-14-2-1451-14/12**

**Datum: 01.11.2013.godine**

Općinsko vijeće Tešanj je na svojoj 12. sjednici održanoj dana 31.10.2013. godine, razmatrajući Prijedlog Odluke o stipendiranju redovnih studenata dodiplomskog studija (prvog ciklusa) u akademskoj 2013/14. godini, na prijedlog vijećnika Vedrana Kasera donijelo sljedeći

**ZAKLJUČAK**

**Apeluje se na sve studente koji su boljeg imovnog stanja da se ne prijavljuju na općinske stipendije, kako bi stipendije dobili oni kojima su stvarno potrebne .**

**OPĆINA TEŠANJ  
OPĆINSKO VIJEĆE**

**PREDSJEDAVAJUĆI VIJEĆE**

**Fuad Šišić, s.r.**

**Broj: 01-02-1-2713-3/13**

**Datum: 01.11.2013.godine**

Općinsko vijeće Tešanj je na svojoj 12. sjednici održanoj dana 31.10.2013. godine, razmatrajući Informacija o realizaciji Zaključka Općinskog vijeća Tešanj broj 01-23-6-986-2/12 od 30.04.2013.godine donijelo sljedeći

**ZAKLJUČAK**

**Prima se na znanje Informacija o realizaciji Zaključka Općinskog vijeća Tešanj broj 01-23-6-986-2/12 od 30.04.2013.godine.**



**OPĆINA TEŠANJ  
OPĆINSKO VIJEĆE**

**PREDSJEDAVAJUĆI VIJEĆE  
Fuad Šišić, s.r.**

**Broj: 01-23-6-986-3/12**

**Datum: 01.11.2013.godine**

Općinsko vijeće Tešanj je na svojoj 12. sjednici održanoj dana 31.10.2013. godine, razmatrajući Informacija o realizaciji Zaključka Općinskog vijeća Tešanj broj 01-23-6-986-2/12 od 30.04.2013.godine na prijedlog vijećnika Mirze Unkića donijelo sljedeći

**ZAKLJUČAK**

**Sugeriše se Općinskom načelniku da nastavi pokušavati tražiti rješenje po nastalom problemu u saradnji sa mjesnom zajednicom.**

**OPĆINA TEŠANJ  
OPĆINSKO VIJEĆE**

**PREDSJEDAVAJUĆI VIJEĆE  
Fuad Šišić, s.r.**

**Broj: 01-23-6-986-4/12**

**Datum: 01.11.2013.godine**

Na osnovu člana 16. Zakona o zaštiti od požara i vatrogastvu Federacije BiH ("Službene novine FBiH", broj: 64/09), Metodologije za izradu procjene ugroženosti od požara ("Službene novine FBiH", broj: 8/11) i člana 30. Statuta Općine Tešanj ("Službeni glasnik Općine Tešanj", broj 11/07), na prijedlog Službe civilne zaštite Općinski načelnik d o n o s i

**O D L U K U  
O DONOŠENJU PROCJENE UGROŽENOSTI  
OPĆINE TEŠANJ OD POŽARA**

**Član 1.**

Donosi se Procjena ugroženosti Općine Tešanj od požara (u nastavku teksta: Procjena).

**Član 2.**

Procjena u skladu sa Metodologijom za izradu sadrži:

1. Uvodni dio,
2. Prikaz postojećeg stanja ,
3. Stručna obrada podataka,
4. Prijedlog tehničkih i organizacijskih mjera koje je potrebno provesti kako bi se opasnost od nastajanja i širenja požara smanjila na najmanju moguću mjeru,
5. Procjena ugroženosti pravnik lica iz tačke 9. Metodologije,

6. Zaključak

7. Grafički prilozi

-Karta planiranih hidroakumulacija na rijeci Usori R 1:2.500,

-Karta elektro mreže općine Tešanj R 1:2.500,

-Karta vodovodne i hidrantske mreže R 1:2.500,

-Požarna karta općine Tešanj R 1:25.000,

-Minska karta općine Tešanj R 1:25.000,

8. Način izrade, usklađivanja, ažuriranja i čuvanja Procjene.

**Član 3.**

Procjena je sastavni dio ove Odluke i nalazit će se u Službi civilne zaštite Općine Tešanj i čini dio Procjene ugroženosti općine Tešanj od prirodnih i drugih nesreća.

Grafički prilozi čine jedinstveni sastavni dio Procjene ugroženosti općine Tešanj od prirodnih i drugih nesreća i ove Procjene.

**Član 4.**

Ova odluka stupa na snagu danom donošenja, a bit će objavljena u "Službenom glasniku Općine Tešanj".

**OPĆINA TEŠANJ  
OPĆINSKO VIJEĆE**

**OPĆINSKI NAČELNIK  
Suad Huskić s.r.**

**Broj: 02-44-3-2724/13**

**Datum: 11.10.2013. godine**

Na osnovu člana 13. stav 1. Alineja 9. Zakona o zdravstvenoj zaštiti ("Službene novine FBiH", broj: 46/10), Naredbe Ministarstva zdravstva ZDK o sprovođenju preventivne sistematske deratizacije na području ZDK –jesenja faza u 2013. godini, broj: 11-37-19181-1/13. od 17.10.2013. godine i člana 30. Statuta Općine Tešanj ("Službeni glasnik Općine Tešanj", broj: 11/07), Općinski načelnik d o n o s i

**N A R E D B U**

**o sprovođenju preventivne sistematske  
deratizacije na području općine Tešanj  
- jesenja faza u 2013. godini**

**I**

Naređuje se provođenje preventivne sistematske deratizacije na području općine Tešanj – jesenja faza u periodu **od 06.11.2013. do 12.11.2013. godine.**

**II**

Preventivnu sistematsku deratizaciju – jesenju fazu će provesti Zavod za javno zdravstvo Zeničko-dobojskog kantona uz angažovanje stručnog nadzora

higijensko-epidemiološke službe Doma zdravlja Tešanj.

Za nosioca poslova preventivne sistematske deratizacije određuje se Zavod za javno zdravstvo Zeničko-dobojskog kantona

### III

Preventivnom sistematskom deratizacijom – jesenja faza će biti obuhvaćeni objekti i površine kojima upravlja Općina Tešanj, kao i objekti i površine na području općine kojima upravljaju pravna i fizička lica.

Preventivne sistematske poslove na deratizaciji objekata i površina kojima upravljaju pravna i fizička lica će financirati dotični subjekti iz vlastitih sredstava, a površina i objekata u državnom vlasništvu Općina Tešanj i Vlada ZE-DO kantona.

### IV

Subjekti koji podliježu provođenju obavezne preventivne sistematske deratizacije – jesenja faza, su dužni obezbjediti nesmetan rad izvođačima bez obzira na parcijalne radove ili ugovore koje posjeduju. Kontrolu izvođenja akcije za područje općine Tešanj provodit će općinski sanitarni inspektor gđa Mirsada Ramović.

### V

Provođenje akcije deratizacije nadzirat će Kantonalni sanitarni inspektor ZE-DO kantona.

### VI

Ova naredba stupa na snagu danom donošenja, a objavit će se u "Službenom glasniku Općine Tešanj" i putem sredstava informisanja.

**OPĆINA TEŠANJ  
OPĆINSKO VIJEĆE**

**OPĆINSKI NAČELNIK  
Suad Huskić s.r.**

**Broj: 03-37-5-2806/13**

**Datum: 28.10.2013.godine**

Na osnovu člana 6. Pravilnika o izradi, upotrebi, čuvanju i uništavanju pečata u općinskom organu uprave Općine Tešanj broj 02-02-1-2749/13 od 16.10.2013. godine i člana 30. Statuta Općine Tešanj („Službeni glasnik Općine Tešanj“ broj 11/07) Općinski načelnik donosi

## Rješenje o izradi pečata

### I

Ovim rješenjem odobrava se izrada pečata, i to:

**1. Službi za društvene djelatnosti i investicije - izrada 1 (jedan) veliki pečat** prečnika 40 mm i **1 (jedan) mali pečat** prečnika 25 mm, tako da sadržaj teksta bude ispisan u koncentričnim krugovima:

BOSNA I HERCEGOVINA, FEDERACIJA BOSNE I HERCEGOVINE, ZENIČKO-DOBOJSKI KANTON; OPĆINA TEŠANJ, OPĆINSKI NAČELNIK; SLUŽBA ZA DRUŠTVENE DJELATNOSTI I INVESTICIJE. U sredini se nalazi grb Općine Tešanj, a ispod grba nema oznake broja pečata.

**2. Službi za finansije, privredu, komunalne i inspeksijske poslove - izrada 6 (šest) velikih pečata** prečnika 40 mm i **1 (jedan) mali pečat** prečnika 25 mm, tako da sadržaj teksta bude ispisan u koncentričnim krugovima:

BOSNA I HERCEGOVINA, FEDERACIJA BOSNE I HERCEGOVINE, ZENIČKO-DOBOJSKI KANTON; OPĆINA TEŠANJ, OPĆINSKI NAČELNIK; SLUŽBA ZA FINANSIJE, PRIVREDU, KOMUNALNE I INSPEKCIJSKE POSLOVE. U sredini se nalazi grb Općine Tešanj, a od velikih pečata ispod grba se nalazi i broj pečata označen arapskim brojevima od **1 do 6**, dok kod malog pečat **nema oznake** broja pečata.

**3. Službi za boračko-invalidsku zaštitu i opću upravu - izrada 12 (dvanaest) velikih pečata** prečnika 40 mm i **2 (dva) mala pečata** prečnika 25 mm, tako da sadržaj teksta bude ispisan u koncentričnim krugovima:

BOSNA I HERCEGOVINA, FEDERACIJA BOSNE I HERCEGOVINE, ZENIČKO-DOBOJSKI KANTON; OPĆINA TEŠANJ, OPĆINSKI NAČELNIK; SLUŽBA ZA BORAČKO-INVALIDSKU ZAŠTITU I OPĆU UPRAVU. U sredini se nalazi grb Općine Tešanj, a kod velikih pečata ispod grba se nalazi i broj pečata označen arapskim brojevima od **1 do 12**, dok su mali pečati označeni brojevima **1 i 2**.

### II

Rješenje stupa na snagu danom donošenja, a pečati će se koristiti od 01.11.2013. godine.

Rješenje će se objaviti u „Službenom glasniku Općine Tešanj“.

**OPĆINA TEŠANJ  
OPĆINSKO VIJEĆE**

**OPĆINSKI NAČELNIK  
Suad Huskić s.r.**

**Broj: 02-02-1-2749-2/13**

**Datum 16.10.2013. godine**

Na osnovu člana 66. stav 5. i stav 11. Zakona o zdravstvenoj zaštiti ("Službene novine Federacije Bosne i Hercegovine" broj 46/10), člana 29. Uredbe sa zakonskom snagom o ustanovama ("Službeni list Republike BiH" broj 6/92, 8/94 i 13/94) i člana 30. Statuta Općine Tešanj ("Službeni glasnik Općine Tešanj" broj 11/07), Općinski načelnik donosi

### RJEŠENJE

#### o davanju saglasnosti na imenovanje direktora Javne zdravstvene ustanove Dom zdravlja Tešanj

#### I

Daje se saglasnost na imenovanje dr. Mudrov Hidajeta, spec. pneumoftizolog, na mjesto direktora Javne zdravstvene ustanove Dom zdravlja "Izudin Mulabećirović Izo" Tešanj.

#### II

Imenovani se na navedenu poziciju imenuje na period od 4 (četiri) godine.

#### III

Rješenje se donosi na osnovu provedene procedure Upravnog odbora Doma zdravlja Tešanj i njihovog prijedloga (akt broj 3454/13 od 07.10.2013.godine).

#### IV

Rješenje o davanju saglasnosti na imenovanje stupa na snagu danom donošenja i bit će obavljeno u "Službenom glasniku Općine Tešanj".

### OPĆINA TEŠANJ OPĆINSKO VIJEĆE

#### OPĆINSKI NAČELNIK Suad Huskić s.r.

Broj: 02-34-6-2716-2/13

Datum: 17.10.2013.godine

## SADRŽAJ

### I - AKTI OPĆINSKOG VIJEĆA

	Strana
125. ODLUKA o realizaciji Programa obilježavanja tekovina odbrane 1992-95. godine i drugih datuma od značaja za općinu Tešanj.....	104
126. ODLUKA o donošenju plana zaštite od požara općine Tešanj .....	104
127. ODLUKA o stipendiranju redovnih studenata dodiplomskog studija (prvog ciklusa) u 2013/14. godini.....	105
128. ODLUKA o dopuni Odluke o prijenosu prava na nekretninama.....	106
129. RJEŠENJE o dodjeli na korištenje gradsko građevinsko zemljište (Čolić Nermin).....	108
130. RJEŠENJE radi utvrđivanja prava vlasništva (Muharemović Ramo) .....	109
131. ZAKLJUČAK Prihvata se Nacrt budžeta Općine Tešanj za 2014. godinu.....	111
132. ZAKLJUČAK Apel studentima koji su boljeg imovnog stanja .....	111
133. ZAKLJUČAK -Informacija o realizaciji Zaključka OV Tešanj broj 01-23-6-986-2/12 od 30.04.13. g .....	111
134. ZAKLJUČAK Sugerise se Općinskom načelniku da nastavi pokušavati tražiti rješenje po nastalom problemu.....	112

### II - AKTI OPĆINSKOG NAČELNIKA

38 ODLUKA o donošenju procjene ugroženosti općine Tešanj od požara.....	112
39 NAREDBA o sprovođenju preventivne sistematske deratizacije .....	112
40 RJEŠENJE o izradi pečata.....	113
41 RJEŠENJE o davanju saglasnosti na imenovanje direktora JZU Dom zdravlja Tešanj.....	114